


www.BibleForChildren.org



Yon 14




Be, Yesu go sopte po, "Ne dubul ten kwen goke
kanduknen ma nurnayin. Al Kurun nin hekken nurde
hinayin. Irdeb ne nin wor hekken nurde hinayin.
Nanner yarebe hen hen gasunbe budam han. Ningeb
gor kun gasuntin sope yiren tihim. Gasun go budam
mon manhan
gwahade ma
dinmewon."



Kun gasuntin sope yirde ep irdeb mulgan hen wan ne
hen de gor duken. Gogab den manan ne hen de gor
hinayin.




Be, ne Yonbe denya tumngan Yesuya henbe
dadatin yara himirin hime. Irde yen ge ten
kanduk tumngande yenen hite.



Neya denyabe Al Kurun belen alya bereyamin
doyan yird yird bana gon tumnan hite Irde
yen ge ten kanduk bana hite gega,


goke mukku ma ten goya
goya sanin hen hen

ge pinen ma
hen hite.




Be, ne belen Al Kurunyen mereya Yesu belen
tagalde hinhin mereya kurun goyen tagalde
himeke al belen goke igin ma nurdeb

nade Patmos motmotde
gago neramin.




Irkeb goya goyen po Holi Spirit belen tareñ po ketal
nuryiñ. Irkeb kemne mat Al Kurunyen gasuñ bana
Doyañ Al Kurunyen keperd keperd gasunde al kura
keperde hike kinmiriñ.



Be, go kamereb det kurun gayen tumnan tikiñ hen
hinhan. Nan kinde niñ, megen niñ, megen biñ bana niñ,
irde makande niñ det kurun goreb
gahade tikiñ hamiñ: "Doyan Al
Kurunyen keperd keperd gasunde
kipirtiñ hi al goya Sipsip dirñenya
goyen isoka yirde palap yirde deñe
turnun yan
yirde tareñ
kurun gobe
gwahader
yen po yunen
hitek," yamiñ.




Be, Taun Wukken Yerusalem gergen wor po gobe Al Kurunyen gasunde mat katen hike kinmirin. Taun gobe bere fongen kura un belen wan tupi ten kun kun ge ulin umna kusamun wor po ten hanyen go gwahade goyen po Doyan Al Kurun wan wan nin gitik titin hinhin.




Be, go kamereb Doyan Al Kurunyen keperd keperd
gasunbe gor mat al melak kura forok yeke nurmirin.
Mereminbe gahade: "Gayenter Al Kurun hen hen
gasunbe alya bereya hanbe gor hi! Yenbe mel goya
hiyen. Irkeb mel gobe Al Kurunyen alya bereya
henayin.


Irkeb Al
Kurun yingenbe
mel goya henbe
yende Al Kurun
hiyyen."




Be, gor matbe Al Kurunyen miyon gore Al Kurunya
huginen hen hen sajin minyan fe kurun goyen nikala
nirke kinmirin. Fe gobe galas yara wukkek wor po,
irde Al Kurunya Sipsip dirnjenyat keperd keperd
gasunde mat katen hinhin.



Taun bana gonbe Al Kurunyen tarengmin turnun yan
wor po gore hulsil melak hen agat urde hiyen gwahade
po ten hikeb nanaya gagasiya nin ma nurde han. Taun
bana gon nin hulsibe Sipsip dirnen gogo.



Goyenbe det kura Al Kurun dilingde wukken monbe taun
bana gon epte ma yad hurkunayin. Irde al kura mata
memyak ten han marya
usi mata ten han maryabe
epte ma taun bana gon
hurkunayin. Gwahade
yarabe Al Kurunya
huginen hinayin marte
denem katin asande
denem han mar go po
hinayin. Asan gobe
Sipsip dirnen gote asan.




Yen belen alya bereyat diliñ fimiñ halde yunyen. Mata
bikkekyä det bikkekyabe hubu henayin geb, kamde
kamde mata hubu hiyyen, irde al kamke esen obam
ten ten mata wor hubu hiyyen.
Go ma esinayin, irde ulin misiñ
ma katnayin," yirin.




Taun bana gonbe det kura Al Kurun belen karan
yurtinge gon ma hinayin. Irde Al Kurunya Sipsip
dirnengyat keperd keperd gasunbe taun bana gon
hiyen. Irkeb meten marmen belen meten ten yunen
hinayin. Mel gobe
Sipsip dirnen gote
kimen kennayin,
irde denembe
mel gote kimen
katin hiyen.



Irde kamamin mar kurun goyen al denem hanya
denem minmonya Doyan Al Kurunyen keperd keperd
gasun diliŋ mar huwarde hike yinmiriŋ. Gorbe asan hol
yirtiŋ hinhan. Irke asan hoyan kura hol yiriŋ. Asan
gobe Al Kurunya huginen hitek mar
gote denem katiŋ asan. Al kamtiŋbe
megen hanya mata ten hinhan
kurun goyen asan
buda goyen bana
goŋ katiŋ geb,
gor mat mata
dahade ten
hinhan gote
murungem tamiŋ.



Ningeb al kurate denem Al Kurunya huginen hitek
marte denem asande katin bana gon ma hikeb yade
kak ala goyenter yimiyyin.



Be, Holi Spiritya siosya belen, "Wanaŋ!" yaryum.
Irkeb al kura mere go nuramiŋ mar wor, "Wanaŋ!"
yamiŋ. Fudinde, al kura hugiŋ hitek fe niŋ kamde haŋ
marbe waŋ fe go nenayiŋ. Fe gobe al kura goke nurde
haŋ marbe damum moŋ duliŋ nenayiŋ.



Al Kurunbe megen niñ alya bereya
gayen bubulkunne wor po yeñ nurd
yunenbe Urmiñ unkuřen
muñ goyen basaña ma
irdeb yunyiñ.



Ningeb al kura Urmin goke
dufaymin tareɗ iryen al gobe
huginen kamde kamdere ma
kunbe Al Kurunya huginen
hiriryen.



Rom 3:23

Fudinde, al tumnan Al Kurun dilingde mata bulun
titiŋ ala geb, Al Kurunyen tareŋ turnun yaŋ bana
epte ma hitek haŋ.

Rom 6:23

Gwahade goyen po, mata bulun gote murungembe
huginen kamde kamde gogo. Munan Doyan Al
Kurunninin Yesu Kristuya hen hen goke ten detmin
kura Al Kurun belen damum mon dulin duntin gobe
yenya huginen hen hen gogo.

Hiburu 9:27

Albe wawun unkuŋen po kamnaying, sopte ma
kamnaying. Goyenbe go kamereb merere huwarke Al
Kurun belen al igin ma bulun goyen pota yiryen.



Efesus 2:8,9

Denbe Al Kurun belen dumulgan tike igin han gobe dindikende tarende mon. Al Kurun belen buningen dirde faran durkeb Yesu nin dufaytin tareng iramin geb, gogo dumulgan tiyyin. Dumulgan tiyyin gobe dulin dumulgan tiyyin. Mata igin kura ma ten hikeya dumulgan tiyyin.

Gogab al kura mata igin ten hiyen goke epte ma yingen ge turun turun ten hiyen.

Rom 10:9,10

Ningeb mere go yitin gwahade po, al kura binde mat wor po Al Kurun belen Yesu go kamtinde mat isan hiri goyen fudinde yen dufaymin tareng iryen, irde yingen mohonde wor po, "Yesube Doyan Al Kurun," yiyyenbe Al Kurun belen al go tumulgan tiyyen. Fudinde, al kura Yesu nin binde mat dufaymin sanin irke Al Kurun belen al huwak inyen. Irde dufaymin tareng irtin goyen mohonde mat kawan po tagalkeb Al Kurun belen tumulgan tiyyen.



Yon 3:16,17

Al Kurunbe megen nin alya bereya gayen bubulkunne wor po yen nurd yunenbe Urmin unkuren mun goyen basina ma irdeb yunin. Ningeb al kura Urmin goke dufaymin tareng iryen al gobe huginen kamde kamdere ma kunbe Al Kurunya huginen hiriryen. Al Kurunbe alya bereya gayen merem yan yire yen ma Urmin ten kerke katyin. Gwaha titnenbe Urmin belen meten tiyyen go hende alya bereya yumulgan tiyyen yen Urmin ten kerke katyin.



1 Yon 5:11-13

Be, Al Kurun belen Urmin ge tagaltin gobe gahade: Al Kurun belenbe yingenya huginen hen hen goyen dunyin, irde huginen hen hen gote min albe Urmin. Ningeb al kura Urminya awalikde han gobe Al Kurunya huginen hen hen minyan. Munan al kura Al Kurun Urminya awalikde ma han gobe Al Kurunya huginen hen hen goyen minmon. Be, nebe den alya bereya Al Kurun Urmin goke dufaytin tareng irtin han mar goyen Al Kurunya huginen hen hen matabe dende hitin goyen go nurwon yen asan gago kan dunen hime.



Yon 14; 2 Korin 5; Yuwarwar 4, 21, 22

Storyline by: Edward D. Hughes

Illustrated by: Lazarus
and Alastair Paterson

Adapted by: Sarah S.

Gwahatike Bible (dah) © 2000, Wycliffe Bible
Translators, Inc. All rights reserved.

<https://live.bible.is/bible/DAHPNG/MAT/1>

©2026 Bible for Children, Inc.

www.M1914.org

www.bibleforchildren.org

